

ՏԱՐՈՆԻ ԻՆՆԱԿՆՅԱ ՎԱՅՐԻ ՊԱՇՏԱՍՈՒՆՔԻ
ԾԱԳՍԱՆ ԽՆԴՐԻ ՇՈՒՐՋ

ԳԱԳԻԿ ՄԱՐՏՈՅԱՆ

Հովհան Մամիկոնյանի «Պատմութիւն Տարօնոյ» երկում խոսվում է հնդկաց թագավորից հայածված Դեմետր և Գիսիանե եղբայրների մասին, որոնք, Հայաստան գալով, դիմում են Վաղարշակ արքային և նրա կամքով հաստատվում Տարօնում: Այստեղ նրանք Վիշապ անունով քաղաք են հիմնում, այնուհետև գալով Աշտիշատ մի կուռք են կանգնեցնում, որ հնդիկներն էին պաշտում: Տասնհինգ տարի հետո Վաղարշակը սպանում է եղբայրներին և իշխանութունը հանձնում նրանց երեք որդիներին՝ Կուռուին, Մեղտեսին և Հոռին: Կուռուր շինում է Կուռուս ավանը, Մեղտեսը՝ Մեղտին, Հոռը՝ Հոռեանսը: Վերջիններս Քարքե լեռան վրա կանգնեցնում են Դեմետր և Գիսիանե կուռքերի արձանները: Գիսիանե աստվածը, ըստ Հովհանի, գիսավոր էր: Այդ պատճառով նրա սպասավոր քրմերը երկար մաղեր էին սլահում: Դեմետրի պաշտամունքի բլուրը կոչվում էր «Արևու բլուր»: Քրմերի մասին ասվում է, թե նրանք սև էին և ղաղրատեսք, «զի ցեղով ի հնդկաց էին»: Գրիգոր Լուսավորիչն իր գործով նրանց վրա է արշավում Պաղունյաց ավանի Կուռուս գյուղաքաղաքում, ուր կատաղի մարտեր են տեղի ունենում: Հարձակվողները Տարօնի Իննակնյա վայրում կործանում են հեթանոսական սրբատեղին ու դրա տեղում կառուցում Ս. Կարապետ եկեղեցին¹:

Ազաթանգեղոսը Քարքե լեռան աստվածներին այլ անուններով է ճանաչում: Նրա հաղորդմամբ, այստեղ են գտնվել Վահագնի Վահեվանյան մեհյանը, ինչպես նաև Անահիտ և Աստղիկ դիցուհիների բաղնիքները²: Գ. Խալաթյանը, հաշվի առնելով, որ Հովհան Մամիկոնյանը Տարօնում չի հիշատակում այնպիսի նշանավոր սրբավայրեր, որսլիսիք Վահագնինն ու Անահիտինն էին, կարծիք է հայտնել, որ Դեմետրի և Գիսիանեի պաշտամունքը հենց այդ աստվածներին է վերաբերել³: Ա. Հմայակյանն այս փաստարկման օգտին ևս մեկ մանրամասն է հավելել. ըստ Հովհան Մամիկոնյանի, քրմական գործին հաղթելուց հետո Իննակնյա վայրում տեղավորում են Ս. Հովհաննես (Կարապետ) և Աթանագինես նախավկայի նշխար-

¹ Յ ո վ հ. Մ ա մ ի կ ո ն յ ա ն. Պատմութիւն Տարօնոյ. Երևան, 1941, էջ 97-98, 107-110, 120, 79-85, 100:

² Ազաթանգեղայ պատմութիւն Հայոց (այսուհետև՝ Ա գ ա թ ա ն գ ե դ ո ս). Թիֆլիս, 1914, § 809:

³ Գ ռ. Խ ա լ ա թ ե ա ն. Զենոբ Գլակ. Համեմատական ուսումնասիրութիւն. Վիեննա, 1893, էջ 26-27:

ները, իսկ ըստ Ագաթանգեղոսի, դրանք թաղվում են Քարքե լեռան լանջին՝ Վահեվանյան մեհյանից ոչ հեռու⁴:

Ղևոնդ Ալիշանի կարծիքով, հնդիկ իշխաններին հյուրընկալած Վաղարշակ արքան Վահագնի՝ Քարքե լեռան սնարին գտնվող Վահեվանյան մեհյանի քրմությունն իրականում հանձնած է եղել Վահունիներին, Վահեվունիներին⁵, որոնք, ըստ Խորենացու, Վահագնի մեհյանի սպասավոր քրմերն էին և Վահագնին համարում էին իրենց նախնին: Երբ Արշակունի Արտաշեսը՝ Վաղարշակ արքայի թոռը, Ասիայից Հայաստան է տեղափոխում Հերակլեսի արձանը, Վահունիները նրան որսվես Վահագն ճանաչելով՝ կանգնեցնում են Տարոնի Աշտիշատում: Արտաշեսն Ասիայում գտնում և Հայաստան է բերել տալիս նաև Ապոլոնի ու Արտեմիդ-Արտեմիսի արձանները, որոնք Վահունիները կանգնեցնում են Արմավիրում, ուր Վաղարշակ արքան նախկինում կառուցել էր Արեգակի և Լուսնի տաճարները⁶:

Ալիշանն ուշադրութուն է հրավիրել ոչ միայն այն հանգամանքի վրա, որ Դեմետրի տաճարի տեղանքը «Արևու բլուր» է կոչվել, այլև այն բանի, որ Քարքեի դիմաց գոյութուն է ունեցել ևս մեկ բլուր՝ Արեգակնածագ անվամբ, ուր Անահիտ դիցուհու պատկերն է դրված եղել⁷:

Տարոնի իննականյա վայրում Արև աստծո պաշտամունքի մասին է վկայում նաև քրմական ղորքը ղեկավարող Արձան քրմապետի սպառնալիքը՝ ուղղված Գրիգորի բանակին. «Մ՛չ գիտեք, զի այսաւ մեծն Գիսիանէ... հարկանելոց է ղձեզ կուրութեամբ և մահուամբ»: Կուրությամբ կարող էր պատժել Արեգակն իր ասեղնասուր ճառագայթներով, ինչպես հայկական ավանդություններում⁸: Գիսիանեի երկար վարսերը նույնպես Արևի ճառագայթներն են խորհրդանշել: Արևը հայկական ավանդության մեջ, ծեփին, լեռան ետևից նախ իր հրեղեն վարսերն է ցույց տալիս, հետո նոր բարձրանում երկնակամար⁹: Հատկանշական է, որ այլալեբտցիները, երբ մանուկների գլուխը խուզել են, գլխի վրա կլոր մաս են թողել, որ կոչվել է «կալ» և համարվել Արևին համարժեք¹⁰: Հովհան Մամիկոնյանը Տարոնում Գիսիանե աստծուն փոխարինած Ս. Կարապետին նույնպես բնութագրում է իբրև զիսավոր. «...այր մի գիսաւոր... ելեալ յեկեղեցոյն...»¹¹: Մինչև նորագույն ժամանակներն էլ Ս. Կարապետ եկեղեցին հայտնի է եղել «Մշո ծամ» անունով¹², որը հիշեցնում է Գիսիանեի անվան «գետ» արմատը: Տարոնի պատերազմի վեպում, ինչպես նկատում է Մ. Աբեղյանը, Ս. Կարապե-

⁴ Ս. Գ. Հ մ ա յ ա կ յ ա ն. Կուեռա-Կուառ աստվածությունների պաշտամունքը Հայկական լեռնաշխարհում. «Պատմա-բանասիրական հանդես», 1990, №1, էջ 155:

⁵ Ղևոնդ Ալիշան. Հին հավատք կամ հեթանոսական կրօնք Հայոց (այսուհետև՝ Ալիշան). Վենետիկ, 1895, էջ 295-297:

⁶ Սրբոյ Հօրն մերոյ Մովսէսի Խորենացոյ պատմութիւն Հայոց (այսուհետև՝ Խորենացի). Թիֆլիս, 1913, Բ, Ը, ԺԲ:

⁷ Ալիշան, էջ 268:

⁸ Յ ո վ հ. Մ ա մ ի կ ո ն ե ա ն. նշվ. աշխ., էջ 85:

⁹ Ա. Ղ ա ն ա լ ա ն յ ա ն. Ավանդապատում. Երևան, 1969, էջ 5-7:

¹⁰ Գ. Ս Ր Վ ա ն ձ տ յ ա ն ց. Երկեր. Հ. 1, Երևան, 1978, էջ 76-77:

¹¹ Հմինեան աղբաղբան ժողովածու. Հ. Ա, Մոսկուա-Ալեքսանդրապոլ, 1901, էջ 203:

¹² Յ ո վ հ. Մ ա մ ի կ ո ն ե ա ն. նշվ. աշխ., էջ 154-155:

¹³ Մ. Աբեղյան. Երկեր. Հ. Ա, Երևան, 1966, էջ 299:

տի անվան ներքո Դիսիանենն է կալում սլարսից զորքերի դեմ¹⁴։ «...Եւ յանկարծակի տեսին այր մի գիտաւոր, որ լոյս փայլէր ի հերայ նորա, եւ զաշտ թշնամեացն կուրացուցանէր»¹⁵։ Կամ. «Եւ կնքեալ զանձինս իւրեանց՝ գիմեցին ի վերայ պարսից։ Եւ երեւեցաւ նոցա ի սլատերազմին այր մի ահեղ և լուսաւոր, եւ հեր նորա լոյս փայլատակէր, զոր տեսեալ Վահանայ և գիտացեալ, թէ Կարապեանն է»¹⁶։

Դեմետր աստծո անունն Արեղյանը կապում է հունական Դեմետրայի¹⁷ հետ, որը հողի արգավանդության, պտղավորման աստվածուհին էր և շրջում էր վիշապ լծած կառքով¹⁸։ Հատկապես հացագործության հովանավոր էր ճանաչվում։ Նա էլևսինի արքայի որդի Տրիպաղեմոսին ցորենի սերմ էր տվել, սովորեցրել երկրագործություն և օրհնել նրա հերկած դաշար, որն առատ բերք էր սլարվել¹⁹։ Հույները նրա կամ Արամեմիս – Լուսնի աստղային համարմեքը երկնքում համարում էին Կույս համաստեղությունը²⁰։ Աստղային հին քարտեզներում Կույսը պատկերվում է կնոջ տեսքով՝ մի ձեռքին զափնու ճյուղ, մյուսին՝ հասկերի փունջ։ Կույսի ամենապայծառ «ալֆա» աստղը «սպիկա» անունն է կրում, որը լատիներեն հասկ է նշանակում։ Մոտակայքում չկա «սպիկա»-ից ավելի պայծառ աստղ²¹, ուստի, անհավանական չէ, որ հնում այն աստվածացված լիներ՝ հանձին Դեմետրայի։ Հունական արվեստում էլ Դեմետրան գլխին հասկերից հյուսված թագով կամ պսակով էր պատկերվում։ Հատկանշական է, որ եվրոպական շատ երկրներում մինչև նորագույն ժամանակները հասկերից տիկնիկներ էին պատրաստում և անվանում Կույս²²։ Եթե Քարքե լեռան վրա սլաշտված Կույս համաստեղությունն է, որ Դեմետր անվամբ հիշատակվում է «Պատմութիւն Տարօնոյ»-ում, իսկ Ագաթանգեղոսը տալիս է նրա Անահիտ անունը՝ Վահագնի և Աստղիկի հետ միասին, ապա խիստ հետաքրքրական է, որ Կ. Մելիք-Փաշայանը, հայոց մեջ Մայր աստվածուհու պաշտամունքի մասին խոսելիս, մեջբերում է «Օխոտ անուն Անահիտ» կոչվող մի ավանդություն, ուր Անահիտը պարզապես լուսնային բնութագրով է ներկայանում. «Մեծամայր ինքը մահն է (լուսին), իրենից է ցայտում Լուսնթակի շողքերը, գիշերը մինչև լույս ինքն է լուսավորում ամբողջ աշխարհը»²³։

Ինչ վերաբերում է Վահագնին, ապա հայկական միջնադարյան դրավոր աղբյուրներում նրա անունն իբրև Արեգակ է ըմբռնվում։ «Տօնական մատեան» ձեռագրում անանուն հեղինակը հիշել է. «Ոմանք զարեգական սլաշ-

¹⁴ Նույն տեղում, էջ 321։

¹⁵ Յ ո վ հ. Մ ա մ ի կ ո ն ե ա ն. նշվ. աշխ., էջ 218–219։

¹⁶ Նույն տեղում, էջ 264։

¹⁷ Հունարեն՝ Դեմետր, որ ստուգաբանվում է՝ «Մայր երկիր» – "Мифы народов мира" (Далеко – МНМ). Т. I, М., 1991, с. 364–365.

¹⁸ Մ. Ա բ ե ղ յ ա ն. նշվ. աշխ., էջ 229։

¹⁹ А п о л л о д о р. Мифологическая библиотека. Л., 1972, с. 8-9.

²⁰ А. Б о н о в. Мифы и легенды о созвездиях. Алма-Ата, 1985, с. 98-99;
А. С а п л и п. Астрологический энциклопедический словарь. М., 2001, с. 152.

²¹ Ս. Ն եր ս ի ո յ ա ն. Աստղալից երկինք. Երևան, 2000, էջ 89, 91։

²² Ջ. Յ բ ե ղ ե ը. Ոսկե ճյուղը. Երևան, 1989, էջ 462–483։

²³ Կ. Վ. Մ ե լ ի ք - Փ ա շ ա յ ա ն. Անահիտ դիցուհու պաշտամունքը. Երևան, 1963, էջ 68։

տեցին և Վահագն կոչեցին և այլք՝ զլուսին և Արտեմիս ձայնեցին»²⁴: Փիլոն Եբրայեցու (V դ.) «Վասն տասնաբանեան օրինաց» գրվածքի հայերեն թարգմանության մեջ ասված է. «Քանզի կոչեն ոմանք... զհուր Հեփեստոսն և արեգական զՎահագն»²⁵: Վահագնը փոխարինում է բնագրի «Ապոլոն» անվանը, որը նույն թարգմանությամբ հանգիստում է հին հայկական այլ ձեռագրերում ևս²⁶: Ապոլոնին որպես Վահագն ճանաչելով՝ երկրպագել են նաև Վահունիներն Արմավիրի Արեգակի տաճարում:

Ըստ Մովսես Խորենացու, Վահագնի մասին երգել են «նմանագոյնս զՀերակլեայ նահատակութիւնսն»²⁷: Այսինքն՝ հայերը նրան նմանեցրել են հունական Հերակլեսին, որի համաստեղությունն աստղային երկնքում հայտնի է հռոմեական Հերկուլես ձևով (ի դեպ, հետաքրքիր է, որ այս աստեղտանն է դտնվում երկնոլորտի անցյալ դարում հայտնաբերված «ապեքս» երևակայական կետը, որի ուղղությամբ է շարժվում Արևը՝ 20 կմ/վ արագությամբ²⁸):

Հայտնի է, որ ուսումնասիրողները «Պատմութիւն Տարօնոյ»-ում շարագրված մեզ հետաքրքրող սյուժեի մի հեռավոր արձագանքը համարում են Կիւի Հիմնագրման մասին ռուսական զրույցը, որը պատմում է, թե ինչպես Կիյ, Շչեկ և Խորիվ անուններով երեք եղբայր իրենց քրոջ՝ Լիբեգի հետ գալիս են պոլյանական ցեղերի հողը, նստում երեք լեռների վրա, այնուհետև իրենց ավագ եղբոր՝ Կիյի պատվին կառուցում Կիւ քաղաքը²⁹: Այս ավանգուծյան մեջ բացակայում են միայն երեք եղբայրների ծնողները (Դեմետրը և Գիսիանեն), սակայն զրա փոխարեն հիշատակվում է եղբայրների քույրը՝ Լիբեգ անվամբ: Ն. Մաուր ռուսերեն «Лыбедь»-ի հայերեն «կարապ» ձևը պահպանված է համարել Ս. Կարապետի անվան մեջ, որի տաճարը կառուցվել էր Իննականյա վայրի կործանված նախաքրիստոնեական սրբավայրի տեղում³⁰: Անկախ այն հանգամանքից, թե հին ռուսերենում ինչ իմաստով է գործածական եղել «Лыбедь» արմատը, միևնույն է, անգամ ժողովրդական ստուգաբանության մակարդակում Մաուի անցկացրած «Лыбедь-лебедь» (կարապ) զուգահեռը որոշ վերակազմությունների հիմք է տալիս:

Աստղային երկնքի հյուսիսային կիսագնդում Կարապ համաստեղությունը Հերկուլես-Վահագնի մոտ է, նրանց բաժանում է ընգամենը Քնարը: Սակայն հույները Կարապն ու Քնարը պատկերացրել են միևնույն առասպելութի համատեքստում: Հունական առասպելներից մեկը պատմում է հայրենիքից վտարված սպարտացի Տինգարեոսի մասին, որը թափառում է

²⁴ Նոր բառգիրք հայկազեան լեզուի (այսուհետև՝ Բառգիրք). հ. II, Երևան, 1981, էջ 771:

²⁵ Մ. Ա. Բ. Գ. Յ. Ն. Նշվ. աշխ., էջ 75:

²⁶ Исследования и статьи Н. О. Эмина по армянской мифологии, археологии, истории и истории литературы (за 1858-1884 гг.). М., 1896, с. 81.

²⁷ Խ. Խ. Ե. Ն. Գ. Ա. Լ. Ա.:

²⁸ А. Б. О. В. Նշվ. աշխ., էջ 117, Ա. Ն. Ե. Բ. Ս. Ն. Նշվ. աշխ., էջ 49-50:

²⁹ «Повесть временных лет», ч. 1, подготовка текста Д. С. Лихачева. Перевод Д. С. Лихачева и Б. А. Романова. М. - Л., 1950, с. 12-13.

³⁰ Н. М. А. Р. Книжная легенда об основании Киева на Руси и Куара в Армении. Заметки по яфетическим клинописям. - "Известия Российской академии истории материальной культуры", III, № 11 - 12, 1924, с. 274, 278.

աշխարհով մեկ և ի վերջո հյուրընկալվում էտուլիայի արքայի մոտ: Արքան նրան կնուծյան է տալիս իր դստերը՝ Լեդային: Զևսը կարապի կերպարանք առած, կենակցում է նրա հետ: Հենց այդ կարապն էլ աստղային երկնքում մարմնավորում է Զևսին³¹: Կարապը Քնարի հետ է կապում հաջորդ առասպելը, որը հռչակավոր երգիչ Օրփեոսի և նրա կնոջ՝ հրաշագեղ էվրիդիկեի մեծ սիրո մասին է: Էվրիդիկեն, օձից խայթված, հանդերձյալ աշխարհ է իջնում, սակայն Օրփեոսը չի կարողանում դուրս հանել նրան այնտեղից: Օրփեոսը ծիսական դոհարերությունը չարիք էր համարում և չէր մեծարում Դիոնիսոսին, ըստ պաշտում էր Արևին, որին Ապոլոն էր անվանում: Այդ պատճառով էլ Դիոնիսոսը նրա դեմ է հրահրում բաքսուհիներին, որոնք երգչին զլխատում են Ապոլոնի տաճարում, իսկ գլուխը չպարտում Հեբրոն գետը: Աստվածներն Օրփեոսին Կարապ համաստեղություն են փոխակերպում, իսկ նրա երաժշտական գործիքը՝ Քնարի³²: Երրորդ առասպելը հիշատակում է միայն Քնար համաստեղությունը՝ համաբերով, որ դա Ապոլոնի տավիղն է, որ նա թողել է երկնքում³³:

Ինչպես տեսնում ենք, հունական առաջին երկու առասպելները Կարապ համաստեղությունը դիցաբանական երկու տարբեր կերպարների հետ են կապում (Զևս և Օրփեոս): Սակայն երկուսում էլ սիրատաժման մոտիվի ընդհանրությունից դժվար չէ կռահել, որ դրանք աստղային մի նախնական առասպելություն ուղ տարբերակներն են: Զևսի և Օրփեոսի ետևում մեկ աստվածություն է կանգնած եղել, որի հետագա փոխակերպումներից է նաև Ապոլոնը, քանի որ Քնարը նաև նրա երաժշտական գործիքն է³⁴:

Երեք առասպելի հետքերն էլ նկատելի են թե՛ հայկական, թե՛ ռուսական ավանդության մեջ: Նախևառաջ ուշադրություն է դրվում վտարանդիությունից մոտիվը, որը պահպանել են նաև հույները՝ Տինդարեոսի մասին պատմելով: Վտարանդի աստվածներից մեկը սկզբնական առասպելում, ըստ երևույթի, իդական սեռի է եղել, որի հետ սիրային կապ է հաստատել ինչ-որ աստված: Այն փաստը, որ հունական առասպելը Կարապ համաստեղությունը կապում է Օրփեոսի հետ՝ ամրապնդում է Մառի տեսակետն այն մասին, որ Տարոնում քրիստոնեական Ս. Կարապետի նախակերպարը կարապն է եղել, քանի որ Ս. Կարապետն էլ հայոց մեջ դուստանների հովանավորի համարում ունեւր³⁵: Նա Նոր Կտակարանի Հովհաննես Մկրտիչն է, որին բանտարկել էր Հերովդես թագավորը: Հովհաննեսն այպանում էր Հերովդեսին՝ նրա եղբոր կնոջը՝ Հերովդիային «ունենալու» համար: Մի օր Հերովդիայի աղջիկը, մորից խրատված լինելով, պահանջում է Հովհաննեսի գլուխը՝ սկուտեղի վրա: Թագավորը կատարում է նրա կամքը³⁶: Այստեղ ակամայից հարց է ծագում. արդյոք Տարոնի նախաքրիստոնեական պաշտամունքին հայտնի չի՞ եղել կանանց ձեռքով զլխատված Օրփեոսի ա-

³¹ А. Б о н о в. Նշվ. աշխ., էջ 137: Р. Г р е й в с. Мифы Древней Греции. М., 1992, с. 162.

³² МНМ, т. II, М., 1992, с. 262-263, А. Б о н о в. Նշվ. աշխ., էջ 137-139: Р. Г р е й в с. Նշվ. աշխ., էջ 80-81:

³³ А. Б о н о в. Նշվ. աշխ., էջ 139:

³⁴ Առասպելի այլ տարբերակում Օրփեոսն Ապոլոնի որդին է (МНМ, т. II, с. 262):

³⁵ Մ. Ա բ ե ղ յ ա ն. Նշվ. աշխ., էջ 299:

³⁶ Մ ա ա թ ե ո ս, գլ. ԺԴ, 1-12:

ուսպելին զուգահեռ մի առասպել³⁷, քանի որ քրիստոնեական ավանդույթը նրան համադրել է գլխատված Հովհաննես Մկրտչին: Թվում է՝ այո, և հենց այդ ավանդույթի ուժով է, որ Գրիգոր Լուսավորիչն արգելել է կանանց մուտքը Ս. Կարապետ եկեղեցի³⁸:

Կարապ համաստեղության ետևում կանգնած երգիչ աստվածությունն այնքան սիրված է եղել ժողովրդի մեջ, որ նրա մասին հուշը սերնդեսերունդ պահպանվել է Հազարան բլբուլի մասին հեքիաթների շարքում: Այդ թռչունը հիշվում է «Հազարան բլբուլ»³⁹, «Պիլպուլ հազարի»⁴⁰, «Հազարենյ բլբուլ»⁴¹, «Հազարան բլբուլ»⁴², «Հազարաբլբուլ»⁴³ ձևերով: Նրա երգից արտասվում է ամբողջ բնությունը: Այդպիսի կարողություն միայն Օրփեոսն ուներ, որի երգից ծառերը դադարում էին սոսափել, իսկ ժայռերն ու լեռները սկսում էին շարժվել⁴⁴: Նա Կարապ համաստեղությունն է և կարապ թռչունը, որ հայտնի է իր աղիողորմ երգով՝ մեռնելուց առաջ⁴⁵: Այնտեղից, ուր Հազարան բլբուլն է գտնվում, մարգիկ ետ չեն գալիս՝ քարանում են, երբ հավքի «մաշուղը» սկսում է զրուցել նրանց հետ: Բայց հավքն ինքն էլ կարող է քարացնել, եթե իրեն կանչողին «չոռ» ասի: Ում հաջողվում է նրան բերել, չպետք է շրջվի և պատասխանի իր ետևից հնչող ձայներին: «Քար ու փետ» հերոսի ետևից գոչում են. «Հողեղեն տարավ զհրեղեն»: Եթե հերոսը ետ նայի, սույա կրարանա: Քարանայ,

³⁷ Ուսումնասիրությունը շարունակելով, եկանք այն համոզմանը, որ Տարոնի իննակնյա վայրի պաշտամունքին քաջ հայտնի է եղել օրփեոսյան (Դեմետ(ե)ր - Դիոնիսոս - Ապոլոնյան) առասպելաբանությունը, ինչն արտահայտված է նաև Վանի թագավորության դիցարանում՝ ավելի վաղ, քան մ.թ.ա. VI դ. կծագեին օրփեոսյան հիմները:

³⁸ Յ ո վ հ. Մ ա մ ի կ ո ն ե ա ն. նշվ. աշխ., էջ 100:

³⁹ Հայ ժողովրդական հեքիաթներ (այսուհետև՝ ՀԺՀ). Հ. I, Երևան, 1959, էջ 27:

⁴⁰ ՀԺՀ. Հ. XIII, Երևան, 1985, էջ 147:

⁴¹ ՀԺՀ. Հ. XII, Երևան, 1984, էջ 138:

⁴² ՀԺՀ. Հ. XI, Երևան, 1980, էջ 121:

⁴³ ՀԺՀ. Հ. IX, Երևան, 1968, էջ 13:

⁴⁴ МНМ, т. II, с. 262. А п о л л о д о р. նշվ. աշխ., էջ 6: А п о л л о н и й Р о д о с с к и й. Аргонавтика. Перевод, введение и примечания Г. Ф. Цере-тели. Тбилиси, 1964, I, 26-27.

⁴⁵ Հազարան բլբուլն արական սեռի է, որից սեր է ակնկալվում ոսկեծամ աղջկա համար, ում հուշում են. «...քզիկ պետք է Պիլպուլ հազարի օր գարկե ու կանչե, դու լի սեր էնիս»: Ոչ ոք չի կարող տիրանալ նրան, բացի այդ աղջկանից: Աղջիկը կանչում է. «Պիլպուլ հազարի, կանաչ զրնտարի (՞), զաստված օր կսիրես դուն ելի ու արի»: Բռտուր «ջան» ասելով, դուրս է դալիս պալատից և հետևում աղջկան: Թագավորի աղջիկն ու Պիլպուլ հազարին հանում են իրենց «մուրափին» (մուրազին): Մի հեքիաթում հավքի տերն աղջիկն է, որ քնած է նրա սենյակում: Այլ սյուժեում նրան հսկում է իր «մաշուղը», ինչն Ալաշկերտի բարբառում (որով գրի է առնված հեքիաթը) սիրուց գերված, սիրուց տարված է նշանակում (ՀԺՀ. Հ. IX, էջ 633):

Բլբուլը երգիչ է, որի «գարկին» ու «կանչելը», ինչպես կտրելի է կուհել, հասկացվում է նրա երաժշտական գործիքն ու երգելը: Նա «անուշմ» կարգում է, և դրանից այդու ինձորները բուրավիտ են դառնում: Իսկ «կարդալը», ասող ասելը, ժողովրդական մասնողությունն է ինչ երգելը: Երբ թագավորի երրորդ որդին լերում է Հազարաբլբուլին և նրա «մաշուղին», վերջինիս սլաղամով, հավքը երգում է. «էտ Հազարաբլբուլ ուր բերան բացեց, հազար թուռլու լիզու թափեց, օր սար ու քար լացին էտոր ձրնեն»: Ալաշկերտի բարբառով «հազար թուռլու»՝ հազար տեսակ է նշանակում (ՀԺՀ. Հ. IX, էջ 630): Ուստի, «Հազարաբլբուլ» ասելով, նկատի է առնվում «բլբուլը» (երգիչը), որը հազար տեսակ երգ է իմացել, այդ թվում սիրային, քանի որ Ալաշկերտի, Մուշի, Բաղեշի, Մանազկերտի բարբառներում «հազ էնել» նաև սիրել, ուզել է նշանակում (ՀԺՀ. Հ. XIII, էջ 632): Ժողովրդական ստուգաբանությամբ, համադրվել են «հազար տեսակ երգ»-ն ու «հազ էնել»-ը:

անշուշտ, մեռնել է նշանակում, իսկ քարը մեռյալի շիրիմին է դրվում: Հերոսն իրավունք չունի հանդերձյալ աշխարհում (որտեղից չեն վերադառնում) ցույց տալ, թե լսում է իր ետևից հնչող ձայները կամ տեսնում է ձայնողներին, որովհետև կմատնի իր ով լինելը: Չ'է որ մեռածներն այնաշխարհային են. չեն տեսնում և չեն լսում մեր աշխարհի էակներին, ինչպես նաև վերջիններս չեն տեսնում նրանց: Երբ Օրփեոսի սիրելի էվրիպիկին խայթում է օձը, և նա իջնում է հանդերձյալ աշխարհ, նրա ետևից մեռածներն մոտ ուղևորվող Օրփեոսի առջև էլ Հաբեսը նույն սլաժաման է դնում՝ չըջվել և ետ չնայել, այլապես կկորցնի կնոջը⁴⁶:

Իննականյա վայրի պաշտամունքում նկատելի է հելլենական դիցաբանության ներկայությունը, ինչի մասին վկայում է նաև լուսնային աստվածության հունականացված Դեմետ(ե)ր անվանաձևը: Սակայն Դեմետրի անվան ներքո Տարոնում երկրպագել են Անահիտ-Լուսնին, որի անունը հայոց մեջ երբեմն Ապոլոնի քույր Արտեմիս-Լուսնի փոխարեն էր դործավում⁴⁷: Ազաթանդեղոսի Պատմությունից էլ երևում է, որ Անահիտ դիցուհու պաշտամունքը պատմական որոշակի շրջանում, հատկապես Տրդատ III-ի օրոք, հունահայկական դրսևորում է ունեցել. Տրդատ արքան Գրիգոր Լուսավորիչին հորդորում է մեծարել Անահիտին, որին բոլոր թագավորներն են պաշտում, հատկապես հույների թագավորը⁴⁸:

Իսկ Ապոլոնի բազմաթիվ մարմնավորումներից մեկում հունական դիցաբանությունը Արևին էր ճանաչում, որն իր նետ-ճառագայթներով խոցում էր թշնամիներին⁴⁹, ինչպես Տարոնի պատերազմում Գիսիանեի իրավահաջորդ Ս. Կարապետն էր իր ճառագայթներով խոցում պարսից զորքը: Անահիտ-Դեմետր-Արտեմիսի արական զուգորդը, ինչպես ասացինք, Վահագն-Գիսիանե-Արևն էր, որի անունը հայերը համարժեք էին համարում հունական Ապոլոնին:

Արևն ու Լուսինը հայկական ավանդություններում քույր և եղբայր են, որոնց փոխհարաբերություններում նկատելի են երկվորյակների առասպելությունից հետքերը: Նրանք հակասության մեջ են, քանի որ չեն ուզում գլխերը հերթապահել: Մրցակցում են, թե ով առաջինն աղբյուրից

⁴⁶ МНМ, т. II, с. 262; А П О Л Л О О Р. Նշվ. աշխ., էջ 6-7: Կարայ-Օրփեոսն էլ աստղային երկնքում հանդերձյալ աշխարհի տիրություններում է գտնվում՝ մեռնելուց հետո: Հեթաթները նույնպես, հին ավանդությունից ուժով, ճշտորեն նկարագրում են Հագարան բլուրուն և նրա հարևան համաստեղությունները. «քոչկի» (սլալատի) վերին հարկում հավքն է գտնվում, ներքին հարկում՝ ձիեր կան: Պեգաս և Փոքր Զի համաստեղությունները, որոնք հարավում («նեքթին հարկում») կարապի անմիջական գրկիցներն են: Հերոսը հավքին կարողանում է տիրանալ միայն 40 գլխանի գևի (վիշապի) օգնությամբ, որ հյուսիսից Կարապի հարևան Վիշապ համաստեղությունն է: Հագարան բլուրուն ձեր թագավորին ջահելացնելու կամ նրա այլին (ուր ջահելացնող խնձորենի է աճում) կանաչացնելու շնորհ է վերապահվում: Հեթաթների խնձորենին՝ Կենսոյ ծառը, ինչպես նկատել է էրիս Ցերենը, Միր Կաթինն է՝ իր աստղ-խնձորենիով (Э. Ц е р е н. Лунный бог. М., 1976, с. 118-120, 130): Կարայ համաստեղությունն ամբողջապես Միր Կաթնի մեջ է գտնվում: Հագարան բլուրուն գուշակելու կարողություն է վերագրվում, ինչպես Լեսոսում Օրփեոսի գլխից էին գուշակություն ակնկալում (МНМ, т. II, с. 262-263. Р. Г р е й в с. Նշվ. աշխ., էջ 81):

⁴⁷ Բառգիրք. հ. II, էջ 771:

⁴⁸ Ա գ ա թ ա ն գ ե ղ ո ս, § 53:

⁴⁹ МНМ, т. I, с. 93-94, 108. Р. Г р е й в с. Նշվ. աշխ., էջ 58, А. Л о с е в. Ан- тичная мифология в ее историческом развитии. М., 1975, с. 302, 327.

ջուր կրերի՝ մոր օրհնանքը ստանալու համար. Արևը դալադարում է Լուսնին՝ նրա կուժը ծակելով: Եղբայր Լուսինն արյունատղձուխան ձգտում ունի քույր Արևի նկատմամբ⁵⁰: Գանի որ հայկական ավանդույթյան մեջ Արևի և Լուսնի սեռերը փոփոխական են, ուստի չի բացառվում, որ այդպիսի ձգտում վերագրված լիներ նաև Արևին: Թվում է, որ այս հանգամանքը նս պետք է որ լուրջ պատճառներից մեկը եղած լիներ Տարոնում Ա. Կարապետի պաշտամունքը հաստատելու հասար. հաշվի առնելով այն, որ վերջինս դատապարտում էր արյունատղձուխունը շերտիկների և նրա կյուրը կնոջ միջև:

Տարոնի Աշտիշատում Գիսիանե-Վահագնի և Դեմեար-Անահիտի բազիլիկները պետք է որ աստվային երկնքում Արևի աստեղատուն Հերկուլեսի և Լուսնի աստեղատուն Կուլսի երկրային համարմեքն ընկալված լինեին: Իսկ Կարապետի համաստեղության մասին Օրփեոսի և Էվրիպիևի առասպելին մոտինջ-որ վեպ է պատմվել: Գրիգոր Լուսավորիչը, Տրդատ Անծի զորակցությունը հեթանոսական մեհյանները կործանելով, հաստատել է Ա. Կարապետի պաշտամունքը, որի մասին ավանդույթ աստվածաշնչյան պատմությունը մոտ է եղել հեթանոսական առասպելին⁵¹:

Համաստեղություններն աստվածների աստեղատներ են ըմբռնված նաև Վան քաղաքից ոչ հեռու, Անձալ կոչված վայրում բխյանական ամրոցից 1995 թ. հայտնաբերված վահանի մնացորդներում, ուր չըջանաձև պատկերված են աստղ-վահան բոնած աստվածներ: Նրանք հարածում են աստեղական զորքին⁵²: Աստվածներից յուրաքանչյուրը կանգնած է թևավոր, առջևի ոտքերը կարճ, իր կենդանու վրա, ինչն այդ կենդանու գառկին գեպի վեր սյանալու պատրանք է հաղորդում: Կենդանիների շարքում պարզորոշ նկատվում են Ասյու, Յուլ, Պեգաս, Աղեղնավար, Կենտավրոս համաստեղությունները: Որոշ կենդանիներ համաձուլվածք են ներկայացուցում: Այսպես, պատկերված է օրինակ մի արարած, որն ունի ջրի դյուխ, առյուծի իրան և կարիճի (Կարիճ համաստեղության) պոչ: Նրա ետևից զալիս է մեկ ուրիշը, որի իրանը դարձյալ առյուծի է, սակայն այժի դյուխով (Այծեղջյուր համաստեղությունը) և զլի պոչով: Նրան հետևող կենդանու իրանի վրա ձկան թևերով են և ձկան պոչ (Չկներ համաստեղություն):

⁵⁰ Ա. Ղ ա ն ա լ ա ն յ ա ն. նշվ. աշխ., էջ 5-7:

⁵¹ Հետաքրքիր է, որ ազգագրագետ Գ. Վարդուժյանը և ժայտագետներ Կ. Թոթաթյանը հայկական միջնադարյան մատենագրությունից մկալված Տրդատի իտաչի և սրի վերաբերյալ զուգորդումները կուպի են աստղերի հետ [Գ. Վ ա ղ ա ն յ ա ն. Կ թ ո թ ա թ ա թ : ա ն Հայոց յուսարևային պատկերացումները: րատ ժայտագետներին է ազգագրական նյութերի]. – «Բազմալիզ», 2002, № 1-4, էջ 393-394]: Ասկայն հեղինակները չեն կոնկրետորել, որ այդ իտաչի սեռը ունեցող Կարապետի համաստեղություն է: Ահա նրանց մատենաչած տվյալները. Վարդան Վարդապետի «Աշխարհայոց»-ում Տրդատ մեծի թուրը հավյունի է. «Անդ կայ Հաւհայանի թուրն Տրդատայ... եւ առեայ գիտուն օձեայ սրպէս գիտչ» [Աշխարհայոց Վարդանայ Վարդապետին (քննական հրատ. Հայկ Պէրպերեանի). Բարիդ, 1960, էջ 22]: Ըստ Հակոբ Կարենցու, այդ թուրը կալված է ուրիշ. «անդ կալնայ կայ յօղն Հաւհայի թուրն Տրդատայ, զոր իտաչ ձեւայոց Գրիգոր Առասպելից – Գ. Մ.», (Է ա կ ո վ ր – Կ ա ղ ն ե ջ ի. Տեղագիր Կերին Հայոց. Յիշատակարան ժէ գարտ. Կաղարչապատ, 1903, էջ 13): Ըստ Մովսես Խորենացու, ստույգից ըտկայում մի այգիլիսի իտաչ հրեւում է Հոռմի Կոստանդիանուս կայսերը՝ երազում՝ ճակատամարտի պատարապելուց առաջ. «իտաչ աստեղնայ յերկնից պարունակեայ զըրով, առէ «Այուս յայ թեալ»։ զոր արարեայ սիւզնայն (նշանով – Գ. Մ.) և առաջաբերեայ յայթեայ պատերազմայն» (Է ա ղ ա ն յ ա ն յ յ ի, Բ, 96):

⁵² O. B e l l y. The Anzaf Fortresses and the Gods of Urartu. Istanbul, 1999, figure 17.

նը), գլուխն արծվի է (Արծիվ Համաստեղությունը) և այլն: Ասավածների շարքը վերևից և ներքևից պատված է իրար հաջորդող սև ու սպիտակ տերևներով: Իսկ դրանք հին հայոց աշխարհայացքում օրերի (գիշերվա և ցերեկվա) խորհրդանիշն են համարվել՝ Կենաց ծառի վրա, ինչպես դա արտահայտված է հայկական հանելուկներում⁵³: Կլոր վահանը նույնպես ժամանակն է մարմնավորում, քանի որ հնում ժամանակը պատկերացրել են շրջանի կամ անիվի նման՝ անսկիզբ և անվախճան⁵⁴:

Նշանակում է՝ բիայնական վահանը սլատկերել է ժամանակը և աստվածներին (հավանաբար, յոթ թափառող մոլորակներին, այդ թվում՝ Արևին և Լուսինին)՝ յուրաքանչյուրն իր համաստեղության կամ համաստեղությունների մեջ: Դրանց օղնությամբ, բիայնական աստղագետները հաղթանակ են կանխագուշակել իրենց գորքի համար և շահել ճակատամարտը: Ուրեմն, դժվար չէ կռահել, որ հնում համաստեղություններն աստվածների աստեղտներ հռչակելը կապված է եղել աստղաբաշխական որոշակի հաշվարկների հետ, որոնց մասին, ցավոք, առայժմ ոչինչ ստույգ չենք կարող ասել՝ աղբյուրների սակավության պատճառով:

Դառնանք Դեմետրի և Գիսիանեի երեք որդիներին, որոնցից ավագը Հովհան Մամիկոնյանի երկում Կուառն է, իսկ ուղեսական ավանդության մեջ՝ Կլյը: Հայագլտության մեջ ընդունված է, որ Տարոնի Կուառի անունը Մհերի դուռն բիայնական դիցապանկում արձանագրված է Կուեռա ձևով, որպես 14-րդ աստվածութուն՝ Մելարդի և Աթբինի դիցանուններից հետո: Նրան քաղցրահամ ջրերի, ձեռակերտ աղբյուրների պահապանի դեր է վերապահված եղել: Կուեռային աղբյուրներ են ձոնվել Վանա լճի արևելյան ափի մոտ՝ էրինու երկրում, հյուսիսային ափին՝ Մեծոփա վանքի մոտ, Արծվաբերդի, Եփրատ դետի արևմտյան ափերի մերձակայքում՝ Մելիտեա երկրի շրջակայքում և այլուր⁵⁵: Ս. Հմայակյանը բացի բիայնական Կուեռայի և «Պատմութիւն Տարօնոյ»-ի Կուառի անվանական նույնությունից, մատնանշում է նաև այն հանգամանքը, որ ըստ Հովհ. Մամիկոնյանի, այս աստծո պաշտամունքը հիմնված է եղել Տարոնի Պալունիք վայրում, իսկ բիայնական արձանագրություններում Կուեռային աղբյուր է ձոնված եղել էրինու երկրում՝ այս անգամ Վասպուրականի Պալունիքում: Այսինքն՝ երկու գեպքում էլ պաշտամունքը կապված է եղել Պալա ցեղանվան հետ⁵⁶, ինչպես ուղեսական ավանդության մեջ են երեք եղբայրներն առնչվում պոլյանական հողին:

Ընդհանուր առասպելաբանության մեջ ջրերի պահապանը, ավանդաբար, վիշապն է: Այդպես է նաև հայկական հավատալիքներում: Օրինակ՝ Մուշում, Ալաշկերտում ջուր չլինելու ժամանակ ասում էին. «Վիշապն ի չօքի ջրի վրին»⁵⁷: Հայտնի է, որ բիայնական Մինուա արքան պատմում է

⁵³ Ս. Հ ա ղ ո լ թ յ ու ն յ ն. Հայ ժողովրդական հանելուկներ. Երևան, 1965, էջ 16:

⁵⁴ Այս մասին տես А. Я. Г у р е в и ч. Представления о времени в средневековой Европе — В кн.: "История и психология". М., 1971, с. 159-164.

⁵⁵ Ս. Հ մ ա յ ա կ յ ա ն. Կուեռա-Կուառ աստվածությունների պաշտամունքը..., էջ 152-154:

⁵⁶ Նույն տեղում, էջ 160:

⁵⁷ Ա. Ղ ա ն ա լ ա ն յ ա ն. Առաձանի. Երևան, 1960, էջ 328:

Ուրմիա լճի մոտ կառուցած մի աղբյուրի մասին, որն այսօր էլ հոսում է և տեղացիներին ծանոթ է «էթզազա բուլակի» (Աթզազակի աղբյուր) անունով⁵⁵: Ըստ խորենացու, հայոց Տիգրան արքան Աթզազակ վիշապին սպանելուց հետո նրա սերունդներին (մարերին) տարագրում է Գողթան գավառ, որոնց Գողթան երգիչները «վիշապազուններ» են կոչում⁵⁶: Պատմականորեն այստեղ են գտնվում նաև բիայնական արձանագրություններից հայտնի Կուարզանի երկիրը և համանուն ցեղը, որը, ըստ Ս. Հմայակյանի, «վիշապազուն» բառի տարբերակն է⁶⁰:

Արևելագիտության մեջ ընդունված է, որ Կուեռայի զուգահեռը վրացական Կվիրիան է⁶¹, պտղաբերության հետ կապված մի աստվածություն, որը Վրաստանի լեռնաբնակների երգերում գովերգվում էր որպես երկնքի և երկնային ջրերի տեր: Նրան էին աղոթում անձրևի համար, անցկացնում էին գիշերային հսկումներ և վաղ գարնանային տոնախմբություններ կազմակերպում⁶²: Մ.թ.ա. շուրջ 2000 թ., երբ գարնանային օրահավասարի կեսը խոյ համաստեղությունում էր գտնվում, աստղային երկնքում երկնային ջրերի տեր կարող էր ընկալված լինել միմիայն Կարիճ համաստեղությունը, որն Անանիա Շիրակացին «Կոր» ձևով է ավանդում⁶³: Միջագետքում էլ կենդանաշրջանի Մարդակարիճն անձրևների շրջանի սկիզբն է խորհրդանշել⁶⁴:

Մհերի գուան գիցացանկում Կուեռային նախորդող Աթբինի աստվածություն անվան հիմքում բիայնական *Atibi* - «10 հազար» թվականն է ընկած⁶⁵, որը, ամենայն հավանականությամբ, հնչել է «աթիվի» ձևով: Եթե գիցանունը կարգալու լինենք Աթվինի, ապա նա շատ կհիշեցնի իրանական Աթվյա աստվածությունը, որն Ավեստայում Աժի-Դահակա վիշապին սպանող Յրդ հերոս Թրաեստոնայի հայրն է՝ հետագա աղբյուրներում անվանակոչված Աթիբին⁶⁶: Հետաքրքիր է, որ խորենացին, Աժյահակի մասին խոսելիս, հավելում է «Բյուրասպի» մակդիրը, որը պահպակերեն 10 հազար ձի է նշանակում, իսկ «Աթզազակ»-ը, ըստ խորենացու, մեր լեզվով՝ վիշապի իմաստն ունի: Պատմահայրը Բյուրասպին ճանաչում է հունականացված «Կենտավրոս Պյուրիդա» անվամբ⁶⁷, ուր անգննաչքով տեսանելի է հայերեն «բյուր»՝ 10 հազար թվականը: Կենտավրոս համաստեղությունն աստղային երկնքի հարավային կիսագնդում Կարիճի (Աթզազակի) և

⁵⁸ Ս. Հ մ ա յ ա կ յ ա ն, Վանի թագավորության պեսական կրոնը. Երևան, 1990, էջ 51:

⁵⁹ Խ ո ռ ե ն ա ց ի, Ա, Լ:

⁶⁰ Ս. Հ մ ա յ ա կ յ ա ն, Վանի թագավորության..., էջ 53-54:

⁶¹ Ս. Հ մ ա յ ա կ յ ա ն, Կուեռա-Կուառ աստվածությունների սաշտամունքը..., էջ 165:

⁶² МНМ, т. I, с. 631.

⁶³ Ա. Գ. Ա բ ր ա հ ա մ յ ա ն, Անանիա Շիրակացու մատենագրությունը («Յաղագս կենդանատեսակաց»). Երևան, 1944, էջ 328-329.

⁶⁴ МНМ, т. II, с. 515.

⁶⁵ С. Г. А м а я к я н. Об урартском божестве Атбини. — ՀՀ ԳԱԱ արվեստի ինստիտուտ. Հայաստանի մշակույթի և արվեստի պրոբլեմներին նվիրված հանրապետական V կոնֆերանս (Ձեկուցումների թեզիսներ). Երևան, 1982, էջ 247: И. М е щ а н и н о в. Аннотированный словарь урартского (биайнского) языка. Л., 1978, с. 67-68.

⁶⁶ МНМ, т. I, с. 121.

⁶⁷ Խ ո ռ ե ն ա ց ի, էջ 90-93:

մասին, հայտնում է, որ երբ սատանայի ճուտը համբուրում էր Բյուրասպիլի ուսերը՝ այնտեղից վիշապներ էին ծնվում⁷²: Այս դեպքում վիշապավոր Բյուրասպի-Կենտավրոսի սլատկերը համընկնում է հայոց Աղեղնավոր համաստեղության խորհրդանիշ՝ մարդաոյուծ աղեղնավորի կերպարին, միայն թե այստեղ վիշապը ոչ թե աղեղնավորի ուսերից է աճում, այլ առյուծի բան պոչի տեղում: Խորենացին ավելացնում է նաև, որ Բյուրասպի Աժդահակն իր փորի համար մարդիկ էր սպառում⁷³: Այս անգամ «Բյուրասպի Աժդահակ» անվան ներքո ըմբռնվում է վիշապը, որն ընդհանուր առասպելաբանության մեջ մարդկային ղոճեր (կույսեր) է սլահանջում: Ակնհայտ է, որ այստեղ գործ ունենք առասպելական մարդաձիու և վիշապի, ապա նաև՝ Կենտավրոս և Կարիճ համաստեղությունների ինչ-ինչ գործառույթների եթե ոչ նույնացման, ապա գոնե աղերսակցության հետ:

Առայժմ անհասկանալի է մնում, թե ինչպես է Տրիտա Աթվյա աստվածությունը դարձել երրորդ հերոս Թրանտաոնայի հայրն իրանական դիցաբանության մեջ: Սակայն հայտնի է, որ իրանցիները միասնական են ըմբռնել Տրիտա Աթվյա և Տրիտա Ապտյա դիցանունները⁷⁴, ինչը թույլ է տալիս ենթադրել, թե լեզվաբանական տեսակետից գործ ունենք սոսկ գրավոր խոսքի երևույթի հետ: «Տրիտա Ապտյա» նշանակում է Ջրային Տրիտա, իսկ նա նույնացվում է Հնդարիական երրորդ եղբայր Տրիտային⁷⁵, որը Ռիգվեդայում նստած է ջրհորի հատակում և վկայակոչում է իր աղվակցական կապը Տրիտա Ապտյայի հետ⁷⁶: Հավանաբար, նույն կերպարին է աղերսվում նաև հունական Տրիտոնը, որի ասպրանքը ծովի հատակում էր, իսկ ինքը գոտկատեղից ներքև վիշապի սողով էր պաակերվում⁷⁷: Ջրային կապը մատնանշում է ոչ միայն բիայնական Կուեռա և Տարոնի Կուեռ վիշապ աստվածություններին՝ ջրերի պահապանին, այլև նոր գիծ է ավելացնում Աթբինի կերպարին: Տարոնի Իննակնյա պաշամունքային վայրն էլ առնչվել է աղբյուրների հետ («Ինն աղբյուր») և կոչվել է «բարեբուխ»: Այստեղ աղբյուր է հոսել, որը բուժիչ հատկություններ ուներ⁷⁸: Հուենայան դիցաբանությունից հայտնի է, որ կենտավրոս Քիրոնն էլ իր քարայրում սուկե տավրով գովերգում էր Քաոսի ընդերքում պանվող կյանքի աղբյուրը, իսկ ամեն օր, խնջույքից առաջ, իր աշակերաններին ուղարկում էր աղբյուրի ջրում լուանալու⁷⁹: Տասը հաղար թվականի առկայությունը հիմք է տալիս եղբակացնելու, որ Աթբինի պաշամունքի հետ է կապված եղել նաև Սասունում իր բուժիչ աղբյուրներով հռչակված Բյուրակն («10 հաղար աղբյուր») տեղանքը:

Բիայնական դիցարանում Աթբինին նախորդում է Կուեռային, իսկ «Պատմութիւն Տարոնոյ»-ում, ըստ երեք եղբայրների թվարկման կարգի,

⁷² Խ ո Ր Ե Ն Ս Կ Ի, էջ 90–93:

⁷³ Նույն տեղում:

⁷⁴ МНМ, т. I, с. 526.

⁷⁵ Там же.

⁷⁶ Ригведа. Избранные гимны. Перевод, комментарии и вступительная статья Т. Я. Елизаренковой. М., 1972, с. 239–242.

⁷⁷ МНМ, т. II, с. 526.

⁷⁸ Յ ո Վ Հ . Մ ա մ Ի կ ո ն Ե ա ն . Նշվ. աշխ., էջ 124, 41:

⁷⁹ А. Б. О. В. Նշվ. աշխ., էջ 153–159:

Կուլտին հաջորդում է Մեղտեսը: Աթբինին նախորդում է Մելարդին, իսկ Կուլտին՝ Հոռը, որոնց մասին կխոսենք քիչ հետո: Ըստ հերթականության ստացվում է հետևյալ պատկերը. Մելարդի - Աթբինի - Կուլտա՝ մի կողմից, Կուլառ - Մեղտես - Հոռ՝ մյուս կողմից: Կիևի հիմնադրման մասին ուսուսական ավանդության մեջ երեք եղբայրների անունների թվարկումը համընկնում է Տարոնի երեք եղբայրների հաջորդականությանը՝ Կիյ (Կուլառ) - Եչեկ (Մեղտես) - Խորիվ (Հոռ)⁸⁰:

Աստղային երկնքում, Խավարածրում, ըստ Արևի «չարժման» ուղղութայան, իրար են հաջորդում Կշեռքն ու Կարիճը, որոնց միջև՝ հարավային կիսագնդում, Կենտավրոսն է: Այսինքն՝ տեսնում ենք այն հերթականությունը, որն արձանագրված է Մհերի դուան դիցապանկում՝ Կուլտա-Կարիճը հաջորդում է Աթբինի-Կենտավրոսին:

Այսպիսով, եթե ընդհանրացնելու լինենք այս աստծո բնութագրական գծերը, ապա հետևյալ պատկերը կունենանք.

1. Մարդածի է, ինչը խորհրդանշում է նրա կապը կենդանական աշխարհի՝ վայրի բնության, գուցեև ձիաբուծության հետ:

2. Առնչություն ունի աղբյուրների հետ, և եթե նույն իրանական Տրիտա Ապոյա և հունական Տրիտոն աստվածությունն է, ապա բնակատեղին Ջրհորի (աղբյուրի) և, առհասարակ, Ջրային ավազանի հատակն է:

3. Ավերսվում է կարիճի, վիշապի, Աժդահակի կերպարին, քանի որ, ըստ Խորենացու, «մարդկանց է սպառում»:

4. Իմաստուն է և ունի բաղամթիվ աշակերտներ, որոնց համակողմանի գիտելիքներ է հաղորդում:

5. Եթե հնարավոր համարենք, որ Մեղտես անվան «մեղ» բաղադրիչը հնդեվրոպական նախալեզվի *mel սև դույնի գաղափարն է արտահայտում, ապա նրա անունը կարելի է «սևատեսք» հասկանալ: Սա համապատասխանում է Հովհան Մամիկոնյանի վկայությանն այն մասին, թե Իննակնյա վայրի սյաշտամունքի սպասավորներն էլ սևատեսք էին:

⁸⁰ Կիև անունով քաղաք Ռուսաստանում մի քանիսն են եղել (H. M a p p. Նշվ. աշխ., էջ 279). ուստի, անհավանական չէ, որ այս առատելը Կիևյան Ռուսիայում լայն աշխարհայրություն է ունեցել: Հնարավոր է նաև, որ դրա ղուգահեռ հայկական տարբերակն էլ միայն Տարոնով է Սասունով չի սահմանափակվել: Այսպիսի տեսակետ հայտնելու համար մեզ հիմք է տալիս Երևանի տարածքում երեք բլուրներից բաղկացած Եռաբլուր կոչվող տեղանքը՝ Կարմիր Բլուրի դիմաց: Ռուսական ավանդությունն ասում է, թե երեք եղբայրները նստեցին երեք լեռների վրա և ապա ի պատիվ իրենց ավագ եղբայր՝ Կիյի (հայկական Կուլտին)՝ քաղաք հիմնեցին: Հայտնի է, որ Զվարթնոցի արձանագրությունում հիշատակված Կուլտինի հովիտը, որ Կարմիր Բլուրի և Էջմիածնի միջև ընկած դաշտն է. ինչպես նաև Արգիշթի I-ի արքեպրությունում վկայված Կուլտագանի տեղանունը՝ Ն. Վ. Հարությունյանը կապել է Կուլտա դիցանվան հետ (H. A p y t y o n я н. Биаинили (Урарту). Ереван, 1970, с. 352): Հետևաբար, չի բացառվում, որ Կուլտայի սյաշտամունքը տարածված է եղել նաև Կարմիր Բլուրին հարող տարածքներում: Հնարավոր է, որ այդ սյաշտամունքային գոտում է դրսևել ոչ միայն Կարմիր Բլուրի թեյչեբախի մոտոցը, այլև Արևի Բերդ ըլլի վրա Երևանի հնություն վկայադիրը կրող՝ Արգիշթի I-ի հիմնած Էրեբունին. որը տեսականորեն կարող էր նախապես Կուլտային նվիրված լինել: Հետաքրքիր է, որ ըլլուրների վրա Հոռոմ քաղաքը հիմնած Ռոմուլոսն աստվածացված է եղել Կվիրին անունով: Հին հեղինակները «Կվիրին» բառը ծագած են համարել սուրինական Cures քաղաքից կամ quiris՝ առտե բառից: Ենթադրվում է, որ Կվիրինը հողագործության և պաղաքեղության հետ կապված աստվածություն է եղել, քանի որ Հոռոմում Կվիրինի քուրմը մասնակցում էր երկրագործական աստվածների սյաշտամունքին նվիրված տոնակատարություններին (А. Н е м и р о в с к и й. Идеология и культура раннего Рима. Воронеж, 1964, с. 97—98):

Այս բոլոր հատկանիշները հայկական հրաշապատում հեքիաթներում արտահայտված ենք տեսնում Սև արարի, Օխեչի, Օխայի, Օխայ բաբի կերպարում: Նրա ապարանքը գտնվում է Ջրհորի կամ աղբյուրի հատակում, որն «Անտակ» է կոչվում: Իմաստուն է և ունի բազմաթիվ աշակերտներ, որոնց «փեշակ» է սովորեցնում, հատկապես՝ կենդանական կերպարանք առնելու ունակություն: Սովորեցնելուց հետո բոլորին սպանում է, որպեսզի իր հաղորդած գիտելիքները չտարածվեն: Նրա մոտ ուսանած հերոսը փրկվում է անգետ ձևանալու շնորհիվ: Հերոսի սիրած կերպարանափոխությունը ձին է, որի տեսքն ընգտնում է շուկայում վաճառվելու և հորն ապրուստի միջոց տրամադրելու համար: Այս ունակությունն էլ, բնականաբար, նա ձեռք է բերում Օխայ բաբի մոտ ուսանելու ընթացքում⁸¹:

Դառնանք Կչեռքի, բիայնական Մելարդիի, Տարոնի Հոռի և ուսական խորիվի աղբյուրակցություն խնդրին: Հայանի է, որ Մելարդի դիցանունը Հայերեն «Մեղարդ» բառն է⁸², քանի որ այդպես է անվանված Լուսինը Երևմտյան Մեղրեցու բառարանում⁸³: Իսկ Մելարդիի անունը գրելիս, սեպագրերում գործածվել է ^DSIN գաղափարադիրը, որը միջագետքյան Լուսին աստվածության անունն էր: Բիայնական աղբյուրներում էլ Մելարդիի խորհրդանիշը կիսալուսինն է համարվում⁸⁴: Եթե կրոնական տոների համար սահմանված հայկական հնագույն անշարժ տոմարի առաջին ամիսը հաշվենք Արեգից, որը համապատասխանում է խոյ համաստեղությանը, ապա, Կչեռքին հասնելով, կունենանք Հոռի ամիսը, որն էլ «Պատմութիւն Տարոնոյ»-ի երեք եղբայրներից Հոռի, իսկ ուսական ավանդության խորիվի անունն է: Հայկական անշարժ տոմարի համաձայն, աղթարական նշաններում Հոռիին համապատասխանում է ծալապատիկ նստած աղջկա պատկերը, որի աջ ու ձախ կողմերում կչեռքի երկու նժարներն են, յուրաքանչյուրում մեկական կիսալուսին՝ լուսնի ածման և նվազման փուլերը: Աղջիկն ինքը, թերևս, լուսնի լիալուսին փուլն է ներկայացնում: Նրա կարմիր զգեստը պատկերազարդված է ասպիերով: Կարելի է կարծել, որ հնում Լուսնի աստեղտուն է համարվել ոչ միայն Կույս համաստեղությունը, այլև Կչեռքը: Կա սակայն մի անհամապատասխանություն. Մհերի դուան դիցացանկում Մելարդին արական աստվածների շարքին է դասվում, իսկ Աղթարքում իգական կերպավորում ունի: Բայց այս անճշտությունը կարելի է բացատրել հայկական ավանդությանը, ուր Լուսնի սեռը, ինչպես նաև Արևինը, փոփոխական է: Լուսինը ոչ միայն տղա է, այլև՝ աղջիկ, որն իր եղբոր՝ Արևի հետ պայմանավորվում է գիշերները դուրս գալ՝ չար աչքից չզարկվելու համար⁸⁵: Կչեռքում է հնում գտնվել աշնանային օրահավասարի կետը⁸⁶, երբ ցերեկն ու գիշերը կչեռքի հավասար նժարների նման երկու հավասար մասի են բաժանվում, այնուհետև ցերեկը սկսում է կար-

⁸¹ ՀժՀ. հ. XI, էջ 204, հ. IV, էջ 415, 419, հ. II, 1959, էջ 199, հ. XIII, էջ 119, 237:

⁸² Ս. Հ մ ա յ ա կ յ ա ն. Վանի թագավորության..., էջ 48-50:

⁸³ Երեմիա Մեոբեոի. Բառգիրք հայոց (քննական բնագիրը, առաջաբանը և ծանոթագրությունները Հ. Մ. Ամալյանի). Երևան, 1975, էջ 212:

⁸⁴ Ս. Հ մ ա յ ա կ յ ա ն. Վանի թագավորության..., էջ 48-50:

⁸⁵ «Հանգես գրականական և պատմական». գիրք I. Մոսկվա, 1888, էջ 372:

⁸⁶ Ս. Ն եր ս ի ս յ ա ն. Նշվ. աշխ., էջ 92:

ճանալ, գիշերը՝ երկարել: Օրերն աստիճանաբար մթնում են: Աղթարքում էլ երկու հավասար կիսադուսիններ կշռող աղջիկը հենց աշնանային օրահավասարի կեսն է մարմնավորում հին օրացուցային պատկերացումներում: Հատկանշական է, որ երեք եղբայրներին վերաբերող հայկական բազմաթիվ հրաշապատում հեքիաթներում ակնհայտորեն արևային հատկանիշներով օժտված երրորդ եղբայրը վիշապին հետապնդելիս լիցնում է հար կամ ջրհորը, հասնում է «Անտակ» կոչված մի վայրի (ինչպես Օխայ բարիի աշակերտը) և այնուհետև ընկնում Մուխ աշխարհ⁸⁷: Այսինքն՝ «Անտակը» հանդերձյալ աշխարհն է: Հովհան Մամիկոնյանի երկում էլ Տարոնի Իննակնյա վայրը կոչվում էր «գրունք դժոխոց» կամ «գուրք մահու»⁸⁸, այսինքն՝ հանդերձյալ աշխարհի դոժներ: Եվ լիվում է, որ «Պատմութիւն Տարօնոյ»-ի հեղինակը գիտակցաբար կամ անգիտակցաբար իրար է խառնել «անակաց» և «հնդկաց» բառերը՝ Դեմեարին, Գիտիանին ու նրանց մեհրանների քրմերին հնդիկներ հորջորջելով: Այլապես անհասկանալի է մնում, թե ինչու⁸⁹ Գրիգոր Լուսավորչի դեմ կալույթ քրմերին Տարոնում հաջողվում է շուրջ 7 հազարանոց զորք հավաքել (Իհարկե՝ ոչ հնդիկներից), ինչու⁹⁰ թագավորական բանակի 700 հայ զինվոր անցնում է քրմերի կողմը և թե ինչու⁹¹ Արձան քրմապետը հարձակվողներին «հայրենի աստվածների ուրացողներ» է անվանում⁹²: Այդ աստվածներն, իհարկե, խորթ չէին Հայկական լեռնաշխարհի բնիկներին և գալիս էին դեռևս Վա-

⁸⁷ ՀԺՀ. հ. I, էջ 23, նաև Գ. Մ ա մ ո յ ա ն. Հայոց դիցարանի գերազանցյալ եռյակը. Երևան, 2004, էջ 4-37:

⁸⁸ Թ ո վ Տ. Մ ա մ ի կ ո ն ն Ե ա ն. Նշվ. աշխ., էջ 36, 99:

⁸⁹ Նույն տեղում, էջ 79-85, 90: Հովհան Մամիկոնյանի այն հայտարարությունը, թե հնդիկներն ու պարսիկներն են Իննակնյա կոչել Տարոնի սրբավայրը (նույն տեղում, էջ 81, 36), հարկ է դիցարանական տեսակետից հասկանալ: Դեմեարն ու Գիտիանեն Լուսինն ու Արևն են, իբրև երկվորյակներ: Միհր-Միթրայի պաշտամունքը բաջ հայտնի էր թե՛ հնդիկներին, թե՛ պարսիկներին: Իրանական աղբյուրներում նա «Մահ» էր անվանվում, իբրև Լուսին և համարվեր ընկալվում Արևին (Մ. Վ ա ն Ա Ե Ր - Վ ա Ր Ա Ե Ն. Прощаясь с наука II. Рождение астрономии. М., 1991, с. 163): Հնդարիները Միթրային էին կանչում արևածագին և ասում էին, թե Արևը նրա աչքն է (ՄԻԿՄ II, с. 157): Նույն պատկերն էր նաև հույների մեջ, որոնք Ապոլոնին և Դիանիսոսին մեկը մյուսի գրեթե մասն մեջ էին անանում, որպես երկնքի Արև և ստորերկրային Լուսին: Ապոլոնը նույնացվում էր Տանիտին (Ա. Ա օ ս Ե Վ. Նշվ. աշխ., էջ 325-327, 580), իսկ վերջինիս օրգիստյանները Միհր էին կոչում (Մ. Վ ա ն Ա Ե Ր - Վ ա Ր Ա Ե Ն. Նշվ. աշխ., էջ 181-182): Միհր էր կոչվում նաև Դիոնիսոսը (Ա. Ա օ ս Ե Վ. Նշվ. աշխ., էջ 174): Հայերի մեջ նա հայտնի էր Ապանդարամես անվամբ, որպես ստորերկրային հեռ կապված աստվածություն (Ա լ ի - շ ա ն. Նշվ. աշխ., էջ 307-308): Ապանդարամեսին Կ. Գոստանյանցն իրավամբ համեմատել է Դեմեարայի հետ, որը ստորերկրային աստվածուհի էր (Կ. Կ ո ս տ ա ն Ե ա ն ց. Հայոց հեթանոսական կրօնը. Վաղարշապատ, 1879, էջ 30-31): Հուդեական դիցարանություն մեջ էլ Դիոնիսոսը մանկություն չըջանալով կանայքի զգեստների մեջ է պատկերացվել (Ք. Գ յ Ե ի Վ Ե Ց. Նշվ. աշխ., էջ 73): Ըստ Հերոդոտոսի, պարսիկները Միհրին երկուս էին ըմբռնում, քանի որ Միթրա էին անվանում Աֆրոզիսի Ռեթանիային (Հ Ե Ր ո ղ ա ն. Պատմություն ինը զրբից. Երևան, 1986, I, 131): Հայերի մեջ Միհր - Դիոնիսոսը երկուս լինելուց բացի, կարող էր նաև Անահիտ - Դեմեար (Պերոնփոնն) - Լուսինի որդին լինել. ինչպես հույներն էին նրան Սեմիդե (Սեյննե) - Լուսնի կամ Դեմեարի. ինչպես նաև Գերսեփոնների որդի ճանաչում (Ա. Ա օ ս Ե Վ, Նշվ. աշխ., էջ 164): Հարկ է սևել, որ Դիոնիսոսի ներկայությունը Տարոնի Իննակնյա պաշտամունքային վայրում նկատելի է նաև է: Պետրոսյանը (Յ. Ք Ե տր օ ս Ե Ն. Боги и ритуалы Древней Армении. Ереван, 2004, с. 111-112): Ինչ վերաբերում է սրբավայրի Իննակնյա անվանը, ապա այն մեզ ավելի շուտ հիլլենական աշխարհ է ասնում՝ իր ինը մուսանների առաջնորդ Դիոնիսոս-Ապոլոնյան պաշտամունքով, որի ակունքները գիտությունը ցայսօր Փոքր Ասիայում է որոնում:

նի թագավորութեան կամ ավելի վաղ ժամանակներից, երբ բաժանվում էր աստղային երկինքը և տոմարական հաշվարկներ էին կատարվում:

Ամփոփելով, ասենք, որ «Պատմութիւն Տարօնոյ» - ում վերարտադրված են աստղային տոմարական մի հին առասպելի ուրվագծերը: Մհերի դուստր ղիցացանկը պետք է որ առավել ամբողջական պահպանած լինի այդ տոմարը՝ իր աստղ-համաստեղություն-աստվածությունների շարքով:

О ПРОБЛЕМЕ ПРОИСХОЖДЕНИЯ КУЛЬТА МЕСТНОСТИ ИННАКНЯ В ТАРОНЕ

ԳԱԳԻԿ ՄԱՐՏՕՅԱՆ

Р е з ю м е

Армянский средневековый летописец Ован Мамиконян в своем труде "История Тарона" рассказывает о том, как индийские князья Деметр и Гисиане, прибыв в Армению, устанавливают культ на горе Карке, в Тароне. В том же месте их потомки в дальнейшем воздвигают статуи идолов Деметр и Гисиане. Исследования показывают, что культ этих двух богов среди армян был связан с созвездиями Луны и Солнца – Девой и Геркулесом. Место поклонения Деметру и Гисиане называлось дверьми "ада" или "смерти", то есть потустороннего мира. Астральная мифология в качестве входа в потусторонний мир признает созвездие Рака (недалеко от Девы), куда в день летнего солнцестояния входит ("умирает") Солнце. Космологическим представлениям языческих армян этот мир был известен под названием Անտակ (Антак – бездонный), следовательно, христианский хронолог мог бы спутать слова հնդկաց (индкцац – индийский) и անտակաց (анткцац – потустороннего мира), провозглашая Деметра и Гисиане индийскими князьями. Их три сына Куар, Мехтес и Хор являются последующими в Зодиаке за созвездием Девы – Весы и Скорпион, а также ближайшего соседа этих двух созвездий в Южном полушарии звездного неба – Центавр.

ABOUT THE PROBLEM OF THE ORIGIN OF THE WORSHIP PLACE OF ENNAKNEA IN TARON

GAGIK MARTOYAN

S u m m a r y

The Armenian medieval annalist Hovhan Mamikonyan in his work <History of Taron> tells about Indian princes Demeter and Gesiane, who come to Armenia and establish a worship on the mountain Karke in Taron. Later on their descendants erect the statues of idols Demeter and

Gesianc in the same place. The researches show that the worship of these two Gods among Armenians has been connected with the Moon and the Sun constellations Virgo and Hercules. The worship place of Demeter and Gesiane was called <the hell> or <death>. that is the Underworld doors. The star mythology considers as an entrance to the Underworld the forerunner of the constellation Virgo in the Zodiak-the Cancer, into which the Sun enters on the day of the summer solstice. That world in the cosmological ideas of heathen Armenians was known as the name of <Antak> (the Bottomless), therefore it is possible, that the Christian chronicler might have confused the words <antkats> (Underworld) and <hndkats> (Indian), proclaiming the princes Demeter and Gesiane, as Indians. Their sons Kuar, Meltes and Hor are the following constellations of Virgo in Zodiak-Libra, Scorpio, as well as their nearest neighbour in Southern hemisphere of the starry sky-Centaurus.